

Broj: UPI/03-23-2-7/14 AK
Sarajevo, 05.06.2014. godine

Rješenje je pravosnažno dana 14.07.2014. godine.


MINISTAR
mr.sc. Desnica Radivojević

Federalno ministarstvo prostornog uređenja rješavajući po zahtjevu pravnog lica IGH d.o.o., a na osnovi člana 30. stav 8. Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 48/09, 75/09, 93/12 i 74/13), člana 213. Zakona o upravnom postupku („Službene novine Federacije BiH“, br. 2/98 i 48/99) i prijedloga Stručnog odbora broj: UPI/03-23-2-7/14 od 13.05.2014. godine, d o n o s i

DJELIMIČNO RJEŠENJE

1. UTVRĐUJE SE da, IGH d.o.o. za projektiranje, nadzor i kontrolu kvalitete u graditeljstvu, sa sjedištem u ulici Bišće polje bb, Mostar, ispunjava uslove za obavljanje djelatnosti projektovanja građevina i zahvata iz oblasti niskogradnje (TRANSPORTNA INFRASTRUKTURA), za građevine i zahvate iz nadležnosti Federalnog ministarstva prostornog uređenja, i to:
 - propusti,
 - mostovi,
 - tuneli,
 - nadvožnjaci,
 - podvožnjaci,
 - vijadukti i
 - potporne konstrukcije.I to za sljedeće dijelove glavnog projekta:
 - izrada projekta konstrukcija.
2. Projektant iz tačke 1) ovoga rješenja dužan je podnijeti zahtjev za izdavanje klauzule pravosnažnosti 30 dana nakon prijema rješenja.
3. Rješenje o ostalim zahtjevima stranke donijet će se nakon okončanja cjelokupnog postupka u ovoj upravnoj stvari.

O b r a z l o ž e n j e

Pravno lice IGH d.o.o., je dana 14.01.2014. godine podnijelo zahtjev za izdavanje ovlaštenja za obavljanje djelatnosti projektovanja iz oblasti niskogradnje (ceste, mostovi, tuneli, nadvožnjaci, podvožnjaci, propusti i potporne konstrukcije), i to za sljedeće dijelove glavnog projekta: projekat konstrukcije i građevinski projekat saobraćajnice.

Uz zahtjev je dostavljena i pribavljena sljedeća dokumentacija:

- ovjerena kopija aktuelnog izvoda iz sudskog registra,
- ovjerena kopija rješenja o izmjenama podataka,
- ovjerena kopija uvjerenja o poreznoj registraciji,
- ovjerena kopija uvjerenja o registraciji u jedinstveni registar obveznika neizravnih poreza,
- ovjerena kopija obavještenja o razvrstavanju pravnog lica prema klasifikaciji djelatnosti,
- ovjerena kopija uvjerenja da porezni obveznik nema duga po osnovu javnih prihoda,
- tabelarni spisak uposlenika,

- ovjerena kopija liste osiguranih lica za obveznika,
- za mr.sc. Krešimir Šaravanja dipl.inž.građ., dostavljena ovjerena kopija diplome o završenom poslijediplomskom studiju, ovjerena kopija uvjerenja o položenom stručnom ispitu, radna biografija sa popisom poslova i potvrda o radnom odnosu i stažu,
- za Vinko Šaravanja dipl.inž.građ., Davor Popić dipl.inž.građ., Dinko Markotić dipl.inž.građ., Mirjana Grubešić rođ. Karačić dipl.inž.građ., Irena Leko rođ. Filipović dipl.inž.građ., Nada Raguž rođ. Nikić dipl.inž.građ., Ivan Štefatić dipl.inž.građ., Tomislav Marić dipl.inž.građ., Mario Zovko dipl.inž.maš., Valeriju Kopilaš dipl.inž.arh. i Marijanu Ilić-Petrić dipl.inž.maš., dostavljena: ovjerena kopija diplome o završenom studiju za sticanje visoke školske spreme, ovjerena kopija uvjerenja o položenom stručnom ispitu, radna biografija sa popisom poslova i potvrda o radnom odnosu i stažu,
- za dr.sc. Amra Hamzabegović rođ. Šehić dipl.inž.geol., dostavljena ovjerena kopija diplome o naučnom stepenu doktora nauka, ovjerena kopija diplome o završenom studiju za sticanje visoke školske spreme, ovjerena kopija uvjerenja o položenom stručnom ispitu, radna biografija sa popisom poslova i potvrda o radnom odnosu i stažu,
- za Anitu Bukovac rođ. Kordić dipl.inž.građ., Jelenu Radić rođ. Kustura dipl.inž.građ., dostavljena ovjerena kopija diplome o završenom studiju za sticanje visoke školske spreme, radna biografija sa popisom poslova i potvrda o radnom odnosu i stažu,
- akt nadležnog organa o ispunjavanju uslova u pogledu tehničke opremljenosti i osiguranja poslovnog prostora (rješenje broj: UPI 08/1-21-1807/12 od 28.11.2013. godine),
- spisak informatičke opreme i softwera koji se koristi u radu,
- spisak vozila,
- ovjerena kopija uvjerenja Općinskog suda u Mostaru,
- Federalna administrativna taksa u iznosu od 7,00 KM na zahtjev.

Članom 30. stav 8. Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 48/09, 75/09, 93/12 i 74/13) propisano je da Federalno ministarstvo prostornog uređenja, na prijedlog Stručnog odbora donosi rješenje o ispunjavanju uslova za projektovanje građevina ili pojedinih dijelova građevine bez kojeg projektant ne može otpočeti obavljanje djelatnosti za koju je registrovan.

Članom 36. stav 1. Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 48/09, 75/09, 93/12 i 74/13) propisano je da kontrolor/revident, prema Uredbi je pravno lice registrovano i ovlašteno za obavljanje poslova projektovanja i/ili nostrifikacije projekata.

Članom 50. stav 1. Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 48/09, 75/09, 93/12 i 74/13) propisano je da nadzor nad građenjem, u ime investitora, prema Uredbi može obavljati pravno lice registrovano i ovlašteno za poslove projektovanja i/ili građenja.

Pomenuti zahtjev razmatran je na 33 sjednici Stručnog odbora dana 13.05.2014. godine.

Uvidom u zahtjev i priloženu dokumentaciju, Stručni odbor je utvrdio da je podnosilac zahtjeva priložio svu potrebnu dokumentaciju propisanu čl. 27. i 28. Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 48/09, 75/09, 93/12 i 74/13) i predložio Federalnom ministarstvu prostornog uređenja da izda djelimično rješenje kojim se utvrđuje da pravno lice ispunjava uslove za obavljanje djelatnosti projektovanja građevina i zahvata iz oblasti niskogradnje (TRANSPORTNA

INFRASTRUKTURA), za građevine i zahvate iz nadležnosti Federalnog ministarstva prostornog uređenja, i to: propusti, mostovi, tuneli, nadvožnjaci, podvožnjaci, vijadukti i potporne konstrukcije, i to za izradu projekta konstrukcija.

Članom 213. Zakona o upravnom postupku („Službene novine Federacije Bosne i Hercegovine“, broj: 2/98 i 48/99) propisano je da kada se o jednoj stvari rješava u više tačaka, a samo su neke od njih dozrele za rješavanje, i kada se pokaže svrsishodnim da se o tim tačkama riješi posebnim rješenjem, nadležni organ može donijeti rješenje samo o tim tačkama (djelimično rješenje).

Budući da je u odnosu na pitanje izdavanja ovlaštenja za obavljanje djelatnosti projektovanja iz oblasti niskogradnje (mostovi, tuneli, nadvožnjaci, podvožnjaci, vijadukti propusti i potporne konstrukcije), i to za izradu projekta konstrukcija postupak završen, ocijenjeno je da je cjelishodno da se ono riješi posebnim rješenjem.

Članom 32. Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 48/09, 75/09, 93/12 i 74/13) propisano je da Federalni ministar prostornog uređenja posebnim aktom utvrđuje visinu troškova postupka izdavanja, odnosno produženja, izmjene i/ili dopune rješenja o ispunjavanju uslova za obavljanje poslova projektovanja, kao i za rad članova Stručnog odbora i tehničkog lica odbora i da troškove postupka snosi podnosilac zahtjeva.

Rješenjem Federalnog ministarstva prostornog uređenja broj: 05-23-2-1347/12-70 od 04.02.2013. godine utvrđena je visina troškova postupka izdavanja, odnosno produženja, izmjene i/ili dopune rješenja o ispunjavanju uslova za obavljanje poslova projektovanja i izvođenja radova, kao i za rad članova Stručnog odbora i tehničkog lica odbora u iznosu od 3.000,00 (trihiljade) KM pojedinačno za svaku oblast ovlaštenja iz zahtjeva podnosioca, te je slijedom toga podnosilac zahtjeva dostavio dokaz o izvršenoj uplati naknade na ime troškova postupka.

Iz svega gore navedenog, odlučeno je kao u dispozitivu ovog rješenja.

Pouka o pravnom lijeku: Ovo rješenje je konačno i protiv njega se ne može izjaviti žalba, ali se može pokrenuti upravni spor kod Kantonalnog suda u Sarajevu, u roku od 30 dana od dana prijema istog.

MINISTAR
mr. sci. Desnica Radivojević

Dostaviti:

1. Naslovu,

IGH d.o.o. za projektiranje, nadzor i kontrolu kvalitete u graditeljstvu,
sa sjedištem u ulici Bišće polje bb,
Mostar,

2. Federalna uprava za inspekcijske poslove,
3. Evidenciji i
4. a./a.